

Na osnovu čl. 25. i 69. Statuta Općine Centar Sarajevo-prečišćen tekst («Službene novine Kantona Sarajevo» broj 23/04), Pravilnika o utvrđivanju uslova, kriterija i postupaka za ostvarivanje prava na dodjelu plastenika površine 50 m<sup>2</sup> sa dodatnom opremom na području općine Centar Sarajevo, broj :04-24-20/18 od 31.01.2018.godine, Općinski načelnik objavljuje

**JAVNI POZIV**  
**za predaju zahtjeva za dodjelu plastenika površine 50 m<sup>2</sup> sa dodatnom opremom**

**1.PREDMET JAVNOG POZIVA:**

Predmet Javnog poziva je dodjela plastenika površine 50 m<sup>2</sup> sa dodatnom opremom u sklopu projekta „Podrška poljoprivrednim proizvođačima, boračkoj i izbjegličkoj populaciji za nabavku plastenika“ na području Općine Centar Sarajevo.

**2.PRAVO UČEŠĆA:**

Pravo podnošenja prijave za dodjelu plastenika površine 50 m<sup>2</sup> sa dodatnom opremom imaju svi zainteresovani građani (fizička lica) navedeni u predmetu ovog Javnog poziva a koji imaju prebivalište i posjeduju poljoprivredno zemljište na području Općine Centar Sarajevo. Pravo na dodjelu plastenika ne mogu ostvariti lica kao i njihovi članovi domaćinstva koja su u ranijem periodu ostvarila pravo na donaciju plastenika od ministarstva, humanitarinih i drugih institucija.

**3. USLOVI ZA OSTVARIVANJE PRAVA UČEŠĆA KANDIDATA U PROJEKTU:**

Pravo na dodjelu plastenika mogu ostvariti svi zainteresovani građani koji imaju mjesto prebivališta i posjeduju poljoprivredno zemljište na području Općine Centar Sarajevo i koji ispune navedene uslove:

1. da je podnosilac zahtjeva zakonski korisnik minimum 200 m<sup>2</sup> zemljišta na području Općine Centar Sarajevo,
2. da navedeno zemljište pripada poljoprivrednom gazdinstvu odnosno da je uz objekat stalnog mjesta boravka podnosioca zahtjeva.

**4. KRITERIJI ZA DODJELU PLASTENIKA :**

Kriteriji za bodovanje podnesenih zahtjeva:

a) pogodnost zemljišta za zasnivanje plasteničke proizvodnje (utvrđuje Komisija za dodjelu plastenika uviđajem na licu mjesta)

-da je površina zemljišta gdje će se postaviti plastenik ravna ili veoma blagog nagiba,

-da je pogodna ekspozicija zemljišta,

-da zemljište nije vlažno odnosno sklono zabarivanju,

-da nije u blizini objekata koji bi mogli stvarati sjenu na plasteniku,

-da je zemljište udaljeno od industrijskih zagađivača minimum 1 km, a od glavnih saobraćajnica 70 m,

-da je u neposrednoj blizini izvorišta vode ili vodovodne mreže.

Ukupno.....60 bodova

b) dodatni bodovi po osnovu pripadnosti podnosioca zahtjeva jednoj od dole navedenih kategorija:

- podnosioc zahtjeva nezaposlen ..... 10 bodova  
\*za sve nezaposlene članove uže porodice podnosioca zahtjeva,ukupno..... 5 bodova
- demobilisani borac..... 10 bodova
- uži član porodice šehida, poginulih, umrlih ili nestalih branitelja i RVI ..... 5 bodova
- civilna žrtva rata..... 5 bodova
- logoraš ..... 5 bodova

c) Licima iz prethodnog stava smatraju se lica utvrđena Zakonom o dopunskim pravima boraca-branitelja Bosne i Hercegovine – Prečišćeni tekst („Službene novine Kantona Sarajevo“ br. 45/12 i 26/14).

Bodovi po osnovu mjerila iz ovog kriterija se zbrajaju.

## 5.POTREBNA DOKUMENTACIJA

Uz zahtjev za dodjelu plastenika potrebno je priložiti dokaz o ispunjavanju uslova iz Javnog poziva kao i druge dokaze i to ovjerene fotokopije dokumenata koji ne smiju biti stariji od 12 mjeseci:

1. dokaz da je zakonski korisnik zemljišta:

-Zemljišno-knjižni izvadak na ime podnosioca zahtjeva i

kopija skice iz katastra na ime podnosioca zahtjeva, ili

-Kupoprodajni ugovor tj. Ugovor o poklonu ovjeren na Sudu sa regulisanim poreskim obavezama (uz navedeno priložiti Zemljišno-knjižni izvadak i kopiju skice iz katastra).

2. kopija lične karte i kopije prijave o mjestu boravka za podnosioca zahtjeva i za sve punoljetne članove domaćinstva,

3. Ovjerena izjava da u ranijem periodu nije ostvareno pravo na donaciju ili sufinansiranje nabavke plastenika od ministarstva, humanitarnih i drugih institucija.

Ukoliko podnosioc zahtjeva posjeduje jedan (ili više) od dole navedenih dokaza potrebno je da isti priloži uz zahtjev:

1. potvrda o nezaposlenosti izdata od Zavoda za zapošljavanje Kantona Sarajevo- Biro Centar za podnosioca i članove domaćinstva,

2. uvjerenje o pripadnosti u OS BiH izdato od Federalnog ministarstva za pitanje boraca i invalida odbrambeno oslobodilačkog rata-općinskog odjeljenja ,grupa za pitanja vojne evidencije za podnosioca zahtjeva,

3. rješenje ili uvjerenje nadležne općinske službe Općine Centar Sarajevo o pripadnosti porodici šehida ili porodici poginulih, umrlih ili nestalih branitelja, i statusu civilne žrtve rata,

4. uvjerenje Saveza logoraša Bosne i Hercegovine o statusu logoraša,

5.rješenje ili uvjerenje nadležne općinske službe Općine Centar Sarajevo o invalidnosti(RVI).

Napomene:

1) ukoliko nadležna služba provjerama koje čini po službenoj dužnosti ustanovi da je podnosilac zahtjeva dao netačne podatke, zahtjev istog će biti odbijen.

2) Kandidati koji ostvare pravo na dodjelu plastenika potpisuju Ugovor o dodjeli plastenika kojim će se regulisati obaveze korisnika prema Općini Centar Sarajevo.

## **5.PODNOŠENJE ZAHTJEVA I DOKUMENATA**

Prijava na Javni poziv za dodjelu plastenika sa pratećom dokumentacijom se predaje neposredno na protokol Općine Centar Sarajevo, Mis Irbina broj 1 Sarajevo, sa naznakom "za Javni poziv za dodjelu plastenika površine 50m<sup>2</sup> sa dodatnom opremom". Sve dodatne informacije mogu se dobiti u Općini Centar Sarajevo ul.Mis Irbina 1, kontakt osoba: Imra Mulahuseinović Ramljak, tel. 033/562-347.

Javni poziv ostaje otvoren **15** dana od dana objavljivanja.

## **6.FINANSIJSKA SREDSTVA**

Projekat se finansira sredstvima iz Budžeta Općine Centar Sarajevo za 2018. godinu u ukupnom iznosu od 20.000,00 KM.

## **7.PROCEDURA ODABIRA KORISNIKA**

Komisija će izvršiti pregled prispjelih prijava po Javnom pozivu, utvrditi blagovremenost i potpunost istih, izvrši uviđaj na licu mjesta s ciljem utvrđivanja pogodnosti zemljišta za zasnivanje plasteničke proizvodnje, izvrši bodovanje i sačinjavanje prijedloga liste kandidata koji ispunjavaju uslove za dodjelu plastenika, na osnovu Pravilnika. Odluku o dodjeli plastenika donosi Općinski načelnik na prijedlog Komisije za dodjelu plastenika.

O rezultatima Javnog poziva, kandidati će biti obavješteni pismenim putem. Izabrani kandidati potpisuju Ugovor o dodjeli plastenika sa Općinskim načelnikom, kojim će biti regulisana sva dalja međusobna prava i obaveze.

## **8.NAPOMENA:**

Obavezno predavati fotokopije dokumenata koje nisu starije od 12 mjeseci koje moraju biti ovjerene (original predati dokumenti neće biti vraćeni). Predana dokumentacija neće se vraćati podnosiocima zahtjeva. Nepotpuni i neblagovremeni zahtjevi neće se uzimati u razmatranje. Općina zadržava pravo da na slučajnom uzorku odabira korisnika, po potrebi, vrši kontrolu ispunjavanja ugovornih obaveza ( prvenstveno posjedovanje doniranog plastenika).